



lú-ia. Cant. Magní- ficat. e u ó u a e.

DIE IX. APRILIS.

B. ANTONII PAVONII MART. ORD. PRÆD.

DUPLEX.

Oratio.

DEUS, qui, ad unitátem fidei promovéndam, beáto An-
tónio Mártyri tuo invíctam ánimi fortitúdinem con-
tulísti : da nobis, quæsumus, ita ejus vestigia sectári ⁊ ut
finem fidei nostræ salútem animárum reportémus : Per.

DIE X. APRILIS

B. ANTONII NEYROT MART. ORD. PRÆD.

DUPLEX.

Oratio.

DEUS, qui beátum Antónium, ad lucem veritátis tuæ
misericórditer revocátum, exímium Mártyrem effe-
císti : præsta ut ejus intercessióne simus semper in fide
stábiles ⁊ et in ópere efficáces : Per.

DIE XI. APRILIS.

S. LEONIS MAGNI PAPÆ, CONF. ET ECCL. DOCT.

TOTUM DUPLEX.

Oratio.

DEUS, qui pópulo tuo ætérnæ salútis beátum Leónem
ministrum tribuísti : præsta, quæsumus, ut quem
doctórem vitæ habúimus in terris ⁊ intercessórem habére
mereámur in cælis : Per.

DIE XIII. APRILIS.

B. MARGARITÆ DE CASTELLO VIRG. ORD. PRÆD.

DUPLEX.

Oratio.

DEUS, qui beátam Margarítam Vírginem lumínibus
orbam nasci voluísti ⁊ ut intus illumináto cordis
óculo te solum assídue contemplantur : esto lumen oculó-
rum nostrórum, quo mundi hujus ténebris carére valeá-
mus ⁊ et perveniámus ad pátriam claritátis ætérnæ : Per.